

Date: 20-07-2004

Publication: Sing Pao Daily News

■李澤鉅（左起）向悉尼大學校長 Justice Kim Santow、  
教統局局長李國章及澳洲駐港總領事吳大偉頒發紀念品。



## 長實出錢出力作育英才

**長**實副主席李澤鉅嘅日舉行記者會，公布集團同澳洲政府設立「長江澳洲毅進獎學金計劃」詳情，長江同澳洲政府未來三年將會斥資共2500萬港元，為420名亞洲同澳洲嘅大學本科生同埋研究生提供學習交流機會，都可謂大手筆。

呢個獎學金計劃尤其着重澳洲同中國、香港嘅交流，所以當中最少三分之二名額，指定用喺澳洲學生嚟香港或者往內地進修，同埋內地或香港學生去澳洲進修，估計三年內會有150位學生得到獎學金參與呢項香港澳洲交流計劃。

除咗香港、內地學生受惠外，另星、馬、泰、越南、菲律賓、柬埔寨嘅學生亦可以提出申請，派出學生嘅地區亦同時會接收一位澳洲交流生，實行有來有往。有興趣嘅學生可以由學校代為申請，學士同研究生可以分別得到2萬8000同13萬8000蚊獎學金，院校提出申請截止日期係9月3日。

長江咁闊綽支持教育，教統局局長李國章、悉尼大學校長、本港各大學嘅副校長亦非常畀面，嘅日亦有出席記者會，再加上李澤鉅本身有新聞價值，結果吸引咗幾十位記者到場，場面「墟咁」。